


www.BibleForChildren.org


Mose 1




Vana thonono Nzambi
wuvanga zulu ayi ntoto.



Ntoto wuba kadi tsundu ayi
phavala ayi tombe kiba va
mbata phinda minlangu ayi
Pheve yi Nzambi yiba
vevilanga va mbata
minlangu beni.




Nzambi wukamba: «Bika kiya kiba!» Buna ki ya kiba.
Nzambi wutedila kiya muini ayi tombe builu. Masika
maba ayi nsuka wuba: kiawu kiba lumbu kithete.




Nzambi wubuela kamba: «Bika luyalungunu luba va khati muvambisa minlangu mu ndambu zole». Nzambi wutedila luyalungunu, zulu. Masika maba ayi nsuka wuba: kiawu kiba lumbu kinzole.




Nzambi wukamba: «Bika minlangu midi kutsi zulu mikutakana va fulu kimosi muingi ntoto wuyuma wumonika.» Bobo phe bubela. Nzambi wutedila tsi yiyuma ntoto, ayi wutedila lukutukunu lu minlangu mbu. Nzambi wumona diawu diambu dimbote.




Nzambi wukamba: «Bika ntoto wubuta biti, bimbutanga mbongo, minti midi makundi malenda buta makundi banga buididi ziphila zi minti, muingi mibutana va ntoto.» Bobo phe bubela. Masika maba ayi nsuka wuba: Kiawu kiba lumbu kintatu.




Buna Nzambi wuvanga bima biole bineni
binkienzulanga : kimosi kilutidi tola,
thangu, mu yala mu muini ayi
kilutidi keva, ngonda, mu yala mu
builu ayi wubuela phe zimbueteete.
Masika maba ayi nsuka wuba:
kiawu kiba lumbu kinya.



Nzambi wubuela kamba:
«Bika minlangu mifundubula
bibulu bimoyo, bika zinuni
phe zitilumuka va yilu ntoto
kutsi luyalungunu lu zulu.»
Masika maba ayi nsuka
wuba: kiawu kiba lumbu
kintanu.




Nzambi wukamba: «Bika ntoto wubuta mintindu mimio mi bibulu bidi moyo banga buididi buphila buawu: bulu biyodama, bulu bifioti ayi bulu binsitu banga buididi ziphila ziawu!» Bobo phe bubela.




Nzambi wukamba: «Bika tuvanga mutu mu kifuani kieto, banga butuididi. Bika kayala mbizi zidi mu mbu, zinuni zidi ku zulu, bibulu biyodama, ntoto wumvimba ayi bibulu bibio bindiatilanga mu vumu va ntoto!»


Nzambi wumona ti bibio bikavanga biba bimbote beni. Masika maba ayi nsuka wuba: kiawu kiba lumbu kinsambanu.



Yave Nzambi wubonga mutu, wuntula mu tsola yidi mu nsitu Edeni muingi kasalanga ayi kakebanga yawu.



Yave Nzambi wuvana
thumunu kudi bakala:
«Dia wuna dia makundi
ma minti mimio midi
mu nsitu, vayi kulendi
ko dia makundi manti
mamvananga diela mu
zabila mambote ayi
mambi, bila lumbu wela
dia mawu, fua wela
fua kaka.»




Bakala wuvana mazina kudi
bulu bibio bidi moyo biyodama
ayi binsitu ayi zinuni. Vayi kudi
niandi veka kuisi ba ko nsadisi
wumfuanane.




Buna Yave Nzambi wubuisa bakala mu tulu tungolo
beni, bu kaba wuleka, wubonga mvesi wu lubanzi ayi
wuvingisa nsuni vaba mvesi. Mu mvesi wu lubanzi wu
kabonga mu bakala,
Yave Nzambi wuvanga
nketo ayi wunata kudi bakala.




Diawu bakala makabika se diandi ayi
ngudi andi muingi kabundana ayi
nketo andi ayi bawu bole baba
nsuni wumosi.





1



60



Mose 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Yombe OT (yom) ©2024 Seed Company in coordination
with Forum Communautaire des Traducteurs de la Bible et
Alphabétisation

<https://www.bible.com/en-GB/bible/3928/GEN.1.YOM-CD>

©2026 Bible for Children, Inc.

www.M1914.org

www.bibleforchildren.org

